

三經同卷

滅罪經
道要經

愈樂經

服六

三經同卷

太上救苦天尊說消愆滅罪經

太上說豐都拔苦愈樂妙經

洞玄靈寶道要經

太上救苦天尊說消愆滅罪經

爾時救苦天尊設大慈悲為諸衆生滅除一切罪業救拔沈淪即令修齋布施廣建功德大起福田召請天龍地祇四梵天王阿修羅王諸天帝主閻羅天子泰山府君司命司錄

五道大神獄中典者各恭敬禮拜稽首叩顙
上白

天尊曰緣以世間衆生受諸果報並是大魔
王管攝罪簿若有閻浮國土十惡五逆不敬
父母破齋犯戒烹宰猪羊牛馬六畜飛禽走

版六

獸之屬種種之罪一切罪人身身歿之後皆入
九幽地獄日夜受苦無由解脫若以廣修功
德設齋布施積劫拷掠繫閉牢獄無獲生天
爾時

天尊曰汝等衆生諦聽吾言或有世間男子

女人父母眷屬歿亡之後宜建道場修齋行道散施資財修功幽府

一七秦廣大王太素妙廣真君

二七初江大王陰德定休真君

三七宋帝大王洞明普靜真君

四七五官大王玄德五靈真君

五七閻羅大王最勝耀靈真君

六七變成大王寶肅昭成真君

七七泰山府君玄德妙生真君

百日平等大王無上正度真君

小祥都市大王飛魔演慶真君
大祥轉輪大王五化威靈真君

爾時

天尊曰汝等衆生人民死亡之後沈淪地獄
因斯善會皆得超生自然地獄虛閑滅除罪

服六

二

業苦惱辛酸天尊乃詔命左司陽官右司陰
官較量功德勒艷都二十四獄考官典吏放
出受苦一切孤冤滯鬼咸令登火鍊之池各
執化形丹界靈符盡獲更生之因俱歸道岸
天尊言汝等衆生受苦罪人得斯拔度皆獲

超生汝等衆生各各諦聽吾當爲汝說偈誦
曰

鄴都夜壑 忽以光輝 照出幽冤
來飴香糜 靈符火鍊 百骸自飛
得見法會 仙岐知歸

又誦曰

萬劫難遇 功緣可崇 開闢幽趣
全假真風 梯航彼岸 濟惠無窮
念念生因 駕景飛空

是時衆等聞說偈言咸皆解脫各各稽首奉

辭而退

太上救苦天尊說消愆滅罪經

太上說豐都拔苦愈樂妙經

服六

三

爾時拔苦愈樂天尊在豐都上境東極宮中
放五色圓光照十方世界豐都三萬八千獄
二萬七千幽牢之中見無量受苦衆生往來
刀山之上萬轉千迴悶絕哀哭俱入鑪炭鑊

湯之中展轉輪迴不捨晝夜萬生萬死無有
休息是故

天尊慈惠哀愍衆生為汝演說艷都普濟妙
經普度受罪窮竟獲生朱陵上登仙境仙化
成人願刀山成寶座劒樹化騫林六道與三
塗火化皆消散無邊諸大罪普悉化為塵歷
劫河沙界皇恩得赦除回心歸正道縹緲上
紫微

太上說艷都拔苦愈樂妙經

洞玄靈寶道要經

道言大道幽虛寂寥無名孝出於無乘元受
生生形法孝無名曰道處於無上玄應無下
名行高遠利益弘大神通無礙不終不始故
名孝道有形之類非道不生非孝不成故大

道生元氣元氣生太極太極生天地天地生
萬物萬物之類人居其長萬靈之中大道最
尊仁孝尊道故名孝道道為萬物父亦名萬
物母又曰道生一一生二二生三三生萬物
萬物得道則昌失道則止精微柔弱忍辱慈

孝進修中道心無懈倦以孝自牧上報元恩
玄父玄母二親大恩二親大恩故名行孝行
孝道也心出於虛道入於無虛無相感不動
而應應則道成成孝道也故虛心以待物物
亦虛心以待之彼此相待然後神交先通其
服六
神後通其身身神俱通則孝道成矣出有入
無分形百億無所不宅在天為天靈在地為
地祇天靈地祇二景之根精也晨夕輪照養
育舍生在東主九夷在南主八蠻在西主六
戎在北主五狄在中主三秦雖邊邦雜類之

種水陸行藏之族悉皆賴道而得受生母以
慈養子以孝生生成之日定有反哺蟲鳥之
心猶知報恩五逆之人不如禽獸不行孝道
背叛元恩是名凶人非君子也不名道士是
真罪鬼凡百人倫不行孝道見善不從聞道
不信道猶慈恩元元不捨方便示現種種神
變與其幽驗不能用之是名蠹尸蠹敗之尸
亦如妬媿守尸之精住其身中爾時高明真

王而作頌曰

勿言孝不真

勿言道不神

行孝光天下

明然照爾心

心迷暗不悟

躊躇失生路

吉會考勲名

無功終不度

天堂寂不歡

地獄多寒沍

語汝儀堂子

勤建仙真步

莫學蠹死羣

灰身螻蟻聚

一墮浮遊鬼

萬劫忘生路

湯炭罪未窮

茫茫守丘墓

版六

五

爾時真王作此頌已俛而彈指聲聞十八湯

炭地獄六宮罪門又作苦頌曰

天堂未不閉

地獄未曾開

受苦無休息

罪鬼合羣來

渴則飲鑊湯

飢則食熟灰

由何失孝道

財色受殃媒

強壯不行道

臨終始欲迴 聞孝翻誹笑 湯火長悲哀

於是真王作此頌已放心孝光洞朗天下光

變成燈照耀十八大地積夜之獄真王慈氣

化成仙雲五色徧覆十方無極世界是諸罪

鬼一時放赦洗沐玄津升於鳳階禮悔首過

歡喜慶泰而作歌曰

六宮除罪目 九幽無對冤 天燈朗暗室

稽首禮玄門 三宮不受事 長歸帝一尊

爾時罪鬼作此歌已未得受生復歸丘墓夕

夕通夢語其子孫曰欲得存亡如願急然九

幽神香建立精舍盛施牀座精心行道慈救
萬物香燈願念報二親恩報大道恩轉誦經
教助國扶命救濟孤危療治疾疫守一空功
勸人作善是時凡人感通此夢睡中驚悟各
見庭中天燈照明光芒射心皆悉冥悟行孝

奉道一十八年得六通果是其先亡南宮受
化皆生福地見道開法並登仙位

道言道德弘大孝攝幽明罪鬼蒙赦而行道
子孫冥悟而行孝奉吾道者先當行孝而後
行道故名孝道往昔有人先行道而後行孝

道無生滅人有始終行道道行未成欲孝而親不待爲不待故則有伏哀之慟傷和損氣不名益易年過四十衰相表現守一遂廢心喪不終及年六十伏尸塚間積經三年形神不散靈禽翼覆猛獸衛護以七月七日之秋

服六

六

之節太一天尊俯而愍之後至秋分遣一仙使齋持瓊丹下而救之入口便活猶如睡覺西宮八王給其鸞輪上升天府號曰孝仙于今壽九萬大劫形如金玉氣色似雲出死人生長存無窮孝仙初始備嬰塗炭風霜不改

飢惱無變道貴丹成高尚其志懷貞抱節然後獲果坐命雲車飛浮上界于今行孝憶想二親元元大恩使我成道不可思議往昔劫中有一人先行至孝二親俱壽一百三十七歲子年已登一百五歲善明方藥常餌丹光父母并子筋力不衰於是孝子被服綵衣又善音樂一日二時歌舞作樂是時父母一旦終止如人睡卧身不痛惱心志不亂孝子結塋舉殯二親鳥獸雲集助其銜土積經三年墳高百尺於是孝子結廬九載行孝修道

下神燭以明其心香官燬嬰以為道信天地
父母感其精志賜其交梨升入西宮錫號金
光孝子明玉真童老而成道于今反嬰雖得
道真不忘孝道况於凡夫忘恩背義仁德不
行與尸何別反逆天地耽淫嗜酒貪財無義

服六

七

利己害物生啖魚肉膏血滂口通體臃腥信
用邪魅或為利出家詐云奉道毀損功德竊
取法財貿易酒色不知厭足臨死求哀罪目
已定生神不居志意悶亂氣冷色變徒有悔
心道不原赦冤鬼離散處處受苦肉食螻蟻

骨肉和土五內糜爛無復人形語汝來生欲
奉孝道勤誦經誠諦觀身心斷諸貪著既斷
貪著即無煩惱煩惱因緣因貪慾生若斷貪
慾生死攀緣永絕無餘身心快樂道心弘廣
七祖介福何但一身而成道耶孝道神力譬
如天地天地所生無種所有唯有二親不可
假作應當行孝以報大恩應當修道齋戒拔
度燒香然燈以濟苦厄七祖在難希望子姪
請道神力冀得解脫如人囚禁枷鎖繫縛望
逢恩赦蕩除罪咎快樂自在心無憂慮冥陽

罪目大同小異有罪逢赦不如無罪有罪雖
免其目猶在既失一行終身無言故生不可
失道不可忘忘道失生是名罪鬼不名人也
忘道失生隨境而舍展轉無窮如汎大海不
識邊際思歸舊島風浪所漂喪失來路迷途

道者亦復如是及其強健難事已辦何不行
孝修無上道永斷生死煩惱因緣

道言聞吾道者為賢人行吾道者為真人爾
時仙王而作頌曰

欲知孝道隆 滿堂皆女僮 窈窕西宮室

承運補王公 此時吾道行 天燈處處明

神香迴朗識 山野慶雲生 敵國罷鬪戰

四海不交兵 能修孝道誠 斯須見太平

道言道不修 人人須修道 道本自然不修人

道人非自然 故應精進修 自然道三萬六千

服六

八

道要要以孝道為宗 未有不慈不孝反逆父

母殺害君主而得成道 不忠不孝名十惡人

生犯王法死入地獄 生死受考無有出期得

餓鬼道

道言至孝修道修孝道也 道在至孝不孝非

道也何以故孝能慈悲孝能忍辱孝能精進
孝能勤苦孝能堅正孝能降伏一切魔事財
色酒肉名聞榮位傾奪爭競交兵殺害主孝
之士泯然無心守一不動一切魔事自然消
伏孝堅金關閉捷死道是諸魔奸津梁斷絕
內外寂靜專行孝道內無交兵外無伏賊孝
道無形不可取相孝道弘大不可捨相取捨
無相真應動用如無盡藏無盡藏故無取無
捨有取有捨則有窮有怠窮則非道怠則非
孝不窮不怠是名孝道孝如噓吸氣不可停

停氣則身滅停孝則道敗喘息繼念行住憶
想故念念在心不可放捨放捨則道敗故不
可捨也

道言來生男女欲求孝道莫為利求莫為色
求利生癡貪癡貪非道色生嫉妬一切苦緣

服六

九

因色滋長嫉妬非德苦緣非道色心求道道
不可得道非祭祀不可以酒肉求道本清潔
不可以穢慢求孝道無心不可以智慧求大
道無形不可以色相求夫求道者應以無得
心求亦不前心求亦不後心求應以不起不

滅心求應以秘密心求應以廣大心求應以
質直心求應以忍辱精進心求應以寂靜柔
弱心求應以慈悲至孝心求略舉道要以類
推之久自明矣

爾時真王為諸來生略說道要流通供養有
得之者晨夕誦念精修其事心得成道不可
思議

洞玄靈寶道要經



